

歐

北

集

歐北集卷二十七

辛丑
壬寅

陽湖 趙翼 雲崧

上元夕毘陵驛前泊舟與蓉龕前輩看燈

聯舟小泊運河濱正是元宵節物新邀月怡邀邀月客
看燈兼看看燈人官符不下城門鎖使節猶遲驛騎塵

冠帶迎賓尙游戲可知都是野鷗身

時陳玉亭制府
將過同出送之

浙遊晤王惺園少宰畱飲試院卽贈

簞節頻臨浙水邊聲名官職兩巍然才收東箭無遺美
官與西湖有宿緣剪韭一樽欣此夕踏花三騎記當年
紅雲袍芴青山屐公作天仙我地仙

附和韻

王杰

勝日嚶鳴芳樹邊開尊一笑共曛然會當別久添豪興話到情深淡世緣君以著書消永日我因將母記行年曉眠有味真堪傲跼踖羞儕紫府仙

謁雲巖公賦呈

去年見公淮陰城公方底績河隄平今年謁公浙江驛公又專膺捍海責禮絕朝班爵上公勤勞亦復少人同南征北討西平後又奏河清海晏功兩間落落數大事盡出一手經營中感公念舊迎倒屣問我家居近何以腐儒前身是蠹魚寢食不離文字裏自知學海尙迷津妄想名垂著述身當公百戰強敵我亦百戰戰古人堪笑毛雖不自量遂欲與公爭千春公遇狂生亦磅礴

肯出奇篇倒行橐虹光燭天霞滿空掩盡熒熒萬火燭
公乎幸勿再佔此爾與腐儒稍立腳

和敬輿見題拙集之作

一編寧復賭時名聊遣閒愁自課程身到罷官如敗將
詩因遇敵想交兵才無列宿胸羅富味憶沉香鼻觀清
多愧故人虛獎借尙嫌熟處未求生

迴憶燈窗萬卷橫舉場同試鬪心兵我如落葉飄京國
君早栽花徧縣城記壬申同會試事歸免飢寒貲已幸官無訪謫

政粗成兩家都是青氊舊寧羨黃金積滿簾

同是忘機息漢陰尙嫌衡宇費招尋

余與君相距五十里

睡餘夢獨

留甜味吟就詩誰識苦心偶遇桑爲三宿地擬栽竹作

七賢林吾州故事傳皮陸曾共蓉湖泛水深

先生淵默口斷斷閉戶遙探學海津老感林逋呼鶴子

君尚未有子

才輕李賀號蛇神嗜癖有癖偏私我拾唾無靈肯

乞人北郭自來多勝侶便應結社托閒身

原作

劉欽

禁中紅藥擅聲名半壁天南歷宦程華國文章兼練
政活民經濟更籌兵笑談邊月戈鋌靜宣播

皇風瘴癘清頌有摩崖碑墮淚歸騎欸段一書生

才真雄霸氣縱橫譬似淮陰善用兵經史似漁收學

海江山囊括入詩城盤花錦費千絲就候火丹還九

轉成官自退歸詩律進多藏富豈在經籀

把卷疎窗坐月陰宵燈一穗耐披尋奇思每未經人
道快句常先得我心香爲韋郎凝燕寢名應白傅播
雞林怪君直視榮名淡書味胸餘蔗味深

稱詩談藝齒蘄蘄誰探元珠學有津不立戶庭真廣
大如逢敵壘轉精神十年強項爲清吏一表陳情見
古人報答

君親兩無憾江湖着此醉吟身

四月初一日營葬事於馬蹟山禮成敬誌三律

頻歲憂窳安今纔構一阡湖山傳馬蹟塋兆得牛眠丙
舍營猶待瀧岡表僅鐫可憐安厝日已是服除年

多謝術家言佳城蔭後昆敢因藏父母更想福兒孫祭

掃編家法哀榮紀 國恩他年吾祔葬死亦奉晨昏
色養慚多缺惟茲地頗佳神靈應陟降山水最清華或
可垂千禩何須置萬家惟期一廬築終日誦楞伽

爲長兒娶婦

五十始稱翁今朝喜氣重何時畢婚嫁從此學癡聾花
燭粗成禮門楣冀亢宗朝衫吾久疊一爲啓塵封

將入都留別蓉菴菴溪秋園敬輿緘齋諸人

幽棲十載穩江鄉忽被鑼聲催上場有幾故人皆白髮
多年老婦再紅粧連宵置酒頻驪唱往日聯裾似雁行
別後定知真率會也應爲我一停觴

途次先寄京師諸故人

防墓組完四尺墳

四月初間營
先母葬事畢

此身敢遂

非高士未忘朝簪爲

聖君柔櫓輕搖南浦水
征衣猶帶北山雲
最憐手植成
圍柳臨別依依綰夕隲

身托循陔十載閒
本期再出玷朝班
敢憑奉母三遷里
便作辭官六聘山
行笈封題新字濕
朝衫拂拭舊痕斑
只慚經濟無毫髮
終恐虛縻廩粟頒

歸田幾度荷

垂詢此誼難安作
隱淪千里火雲衝
暑路滿頭蒜髮出
山人跡同熱客心
殊愧

恩在寒儒感最真
敢以孱軀怯鞍馬
向來筋骨本勞薪

一出春明廿載遙，衰遲敢復逐時髦。
江文通已無殘錦，藍采和惟有舊袍。
仕宦幾家收局好，聲名平日在山高。
祇應晚節供描畫，共笑巢山下拜勞。

喫過鰯魚始出門，問渠何事戀江村。
家貧婦或勞兼婢，身老兒還小似孫。
惻惻可憐原俗態，悠悠相望也銷魂。
始知膽力非年少，愧以孱羸說報恩。

計拙謀生事事癡，年來漸少宦餘資。
百千輕擲鄰空買，什一纔營鬼已嗤。
好友誰能困粟贈，腐儒終仗俸錢支。
此情早被人窺見，他日將毋改素絲。

最憶天南邕管城，淳風回首有餘情。
與民共享庸庸福，在任原無赫赫名。
父老爭先輸稅足，吏胥都學作詩成。

一麾若得教重蒞或有樂公社酒清

懷鎮安也里人余存謙等是郡之天保縣歸其道士民見

億故及之

京華舊雨昔經過月下花前有雅歌一別遂憐同調少
此行重喜故人多談心定費杯浮白見面應知髻總皤
莫笑我曾爲俗吏尙餘狂態未消磨

所見

後船無數向前過忽喚開帆也打鑼連夜縱添雙槳趕
可憐他已渡黃河

高郵市毛惜惜

本娼女也南宋末城破後賊將呼之市酒大罵不屈死

死忠事豈責蛾眉樂籍偏成此段奇弄隱技空稱俠女
海青身尙是男兒胭脂香慘花爲血環珮魂歸月浸屍

多少鬢眉盡何處并無凝碧暗吟詩

將至臺庄忽兩臂頓患風痺客中無醫徹夜酸痛

廻舟歸里感成四律情見乎辭

陸程正擬上征鞍忽中風痺兩手攣人笑暮年重出仕
天將衰疾教休官曲肱已碍牀安臥折臂翻如石自殘
灼艾連朝凡幾炷可憐徹骨夜呼酸

辦裝約略百金縻已是寒家一歲資窮命錢常爲小祟
旅途病恐誤庸醫聊欣廻棹成歸路從此將官換作詩
只有

君恩慚未報痿人終望起殘肢

憶昔從軍絕徼秋擬憑赤手縛蠻酋曉涸瘴水羊渾脫

夜枕腥皮虎鬪體已爲臂強翻覺軟微常腕脫尙能邁
如何一副幽燕骨今日衰殘作贅疣

來往郵程一月期歸航仍繫綠楊枝里鄰笑容原輕出
猿鶴催文已久移散遣僮奴佳處去收藏袍帶祭時披
慚他斗酒山妻話枉費臨行餞伏雌

歸舟過淮晤程晴嵐留別

赴官羞問野鷗亭歸路相尋此暫停興盡廻舟偏訪友
功深閉戶正窮經故人見面多垂白名士成書未殺青
臨別更煩堅後約秋風並舫泊西泠

預計秋間
並遊西湖

夜過京口

病體歸心兩不寧扁舟乘夜過江亭暗山不辨幾多樹

遠火又添三兩星臂折正如垂翅鳥眼昏猶愛映書螢
還鄉正是黃梅候且喜連朝澍雨零

蠹魚

歸里閒無事仍尋亂帙繁蠹魚走相告此老又來翻

觀插秧

扶病東阡一倚筇分秧愛看綠茸茸我因無俸思勤稼
人笑非官也勸農整隊似中軍令肅鞠躬豈習禮容恭
只餘袖手閒觀處心愧泥塗戴笠傭

晚涼

噪罷蟬聲過夕陽綠荷池畔坐繩牀
懶人貪睡三竿日不領朝涼領晚涼

萬里無塵淨碧空一稜微吐月如弓
天憐病臂難揮扇特送花南一陣風

中庭坐月

移得紗幮小院旁中安一榻臥乘涼
惹他四面蚊忙煞眼看冰肌不得嘗

甕天窺處得雄談仰看穹霄正蔚藍
十丈空庭圍不住銀河流出粉牆南

養疾未愈書感

經時衰疾臥江天
芒角空煩到酒邊
老我頭顱將壓雪
看人圖畫到凌煙
蒼生猶或期安石

聖主何曾棄浩然
自是書生貧薄命
晚途只許托林泉

御屏曾荷記微臣何忍江湖作隱淪如許百年空付我
徒將萬卷去驚人看花紫陌懷前度種藥青山過此身
歲晚滄江幾回首卿雲五色麗高旻

漁翁

網得修鱗佐晚炊小舟如葉夜歸遲一天明月秋江上
可惜漁翁不作詩

寓齋間歌

比鄰歌管出樓臺此老蕭齋獨引杯明月不嫌茅屋陋
夜深一樣上窗來

舟過無錫再晤晴沙

故人相見倍情殷爲共心期托野雲誇富無嫌婁應讓我

論高子伯豈如君夜闌燈火愁難唱歲晚江湖感鴈羣
便合往來成二老春山同踏落花紛

預訂明春
惠山之遊

小園

小園不設繚垣遮魔眼籬編六枳斜一樹桂花風過處
聽他香到別人家

散花曲

空中捉花究何有老來好色惟在口偶然闌入烟花場
肯避風流作迂叟就中聲價推珠娘一笑千金擅名久
知是詩人杜牧來不惜紅顏娛白首滿屋明燈照綺筵
風光如夢夜如年冰絲調曲彈銀甲羅帕求詩代錦箋
背燭暗將眉語遞分杯更把口脂傳美人能有名心在

標格先高錦瑟篇推上牙牀誰惡友欲試阿難禪定否
豈知嚼蠟抵橫陳往日劉伶已止酒完璧還君繫臂紗
髻絲禪榻感年華一場瑛管靈山會辜負天仙爲散花
蔣立庵太守自潁川歸相見話舊

廿年重此對清尊披豁依然氣誼真詩社正憐無好友
宦途今見有歸人八騶開路聲初寂兩鶴回家力未貧
歸有只恐徵書催赴闕未容伴我醉江春

聯翩兄弟雁行如都是司農舊澤餘謂尊人曉翁師門望高須重

列戟國恩深忍早懸車酒泉人喜成歸計令兄南莊自塞外歸醴

水官新得美除令弟雲驤謝年醴泉季虎頭龍俱不弱况君名更

御屏書

京華履舄日經過回首纔如一刹那細數故人多作鬼

時聞朱竹君下世

笑看新婦又成婆

余初識君時君尙未冠今公耶且抱子矣

紅雲天上三更

夢白髮樽前一曲歌不覺對君誇老輩魯靈光殿漸巍

峩各出新詩細校讎書生結習故難瘳庸知閉戶成元草
何似塞帷擁絳騶沈約集中難作賊班超筆外有封侯
期君終在功名路此事留儂遣白頭

悟徹

悟徹吾生也有涯何妨隨分樂年華諸兒夜讀書連屋
數畝秋成稻滿車年老香山猶望子囊空杜甫慣攜家
閒將多少詩人比才不如他福勝他

他字入六麻韻見楊誠齋集

朔風

江天連日朔風高催曠先生敝緇袍一笑化機誰識得
樹方落葉烏添毛

觀穫

其淬彎環似月刀折腰謀食豈辭勞三冬聊免人枵腹
幾日驚看地不毛何間鶩鳬闌界入聞聲蚱蟬出疆逃
偏灾明識秋成戒尙想倉囤比舊高

依舊平疇方卦痕疎行一一見陳根遭風今歲多禾弟

呂覽宋先生者爲米後生者爲
稅故舊者長其兄而去其弟

過雨他時有稻孫

稻已穫其根得雨復長
田稻孫米帶取以名後

見說

人似翅開飛蛺蝶

蝶以者

蝗如樹倒散蜉蝣稱欣計日

堪催釀黃葉秋風正打門

贈蓉龕

年壽疑彭祖肌膚似藐姑我尋高士傳君豈列仙儒曾

握量才尺

會真賦
貴州

猶多記事珠故應鄉祭酒領袖此粉榆

前輩風流在吾鄉只此翁無錢偏作達每事必求工具
饌常留我論詩輒憶公何當一爐火相守歲寒中

莊蜚英同年索詩戲贈

里社尋同榜南華有散仙居官甘下考娶婦已中年食
是書中粟歸無俸外錢曾嫌折腰苦偏折鏡臺邊

哭杏川老友

五人兩已入重泉

白峯廷宜
俱早世

此友何堪復棄捐序齒本推

君巨擘賭文曾飽我粗拳老懷正托留髡酒後會長虛

訪戴船太息舊交誰得比看儂出仕到歸田

相隨履跡鴈行齊曾憶同聽半夜雞末路身爲村學究

多年伴似老夫妻尙貪舉業三條燭

今夏尙赴歲試

遂了儒餐百

甕藥痛絕夷槃臨舍處一燈如豆朔風淒

殘牙能啖肉盈斤方謂天教健補貧誰料汝爲長夜客

始驚我亦暮年人白楊蕭瑟魂安托元草飄零字尙新

同學弟兄亡過半此身雖在已傷神

生事

生事漸蕭然年荒剩石田薪燒連葉樹飯待作碑錢
僅少將兒使家空恣犬眠微聞奴輩話列鼎服官年

歲暮雜詩

頻年出處兩躊躇病廢今真守敝廬身退收談天下事
心齋惟對古人書葢頭有屋新編草食肉無錢慣茹蔬
預擬明春看花會門生兒子昇籃輿

屏跡無端羨宦游天將衰疾遣廻舟此行本是蛇添足
垂老何堪馬絡頭野徑重支棕竹杖朝衫仍換木綿裘
只餘金闕難忘處夢斷時還一淚流

少日虛名冀北空老來羞述舊豪雄目中敢謂無餘子
海內漸忘有此翁鎖院草麻雞唱月郵亭揮檄馬嘶風
追思寸管矜才地尙落禪家習氣中

消閒何物度晨昏一縷爐烟息衆喧歌舞戲場無樂地
英雄歸路有儒門勤抄先訓編家法虔祝豐年報

國恩青史他年傳人物少微星倘在江村

探春

卯酒微醺倚杖徐探春偏在未春初梅胎信報先天易
鴻爪痕留太古書塵外遊踪遼海鶴雪中詩思灞橋驢
待他紅紫芳菲候已是先生賞鑒餘

咏梅

亭亭玉立映平隄莫認胭脂帶雨梨清影自描明月夜
赤身獨戰冷風西不煩寒雀爲遊蝶或許高人聘老妻
若向山居論臭味故無過此好詩題

壬寅元日

望闕中庭拜舞餘迎禧太乙步當車寺門香必入知

蟻邨巷衣冠客貫魚紀歲又從元日起歸田恰是十年
初晴和天氣豐登兆定識西成大有書

江淑齋出守福寧便道枉過出其房師視芷堂贈
別詩冊見示君壬午鄉試旣出余門而芷堂又
余癸未所得士也故芷堂詩中有香奉歐陽一

瓣齊之句展玩之餘卽次原韻送別兼寄芷堂
御筆榮催擁節行感君枉訪晉陵城新遷官喜垂緋貴
舊讀書傳保赤誠去只攜琴知雅操貧猶贈縞見深情

時以東
甬見貽

仙霞關外山鄕好早有兒童竹馬迎

下車先問俗如何會有賢聲稱甲科循吏終看遷秩早
好官何必得錢多香凝燕寢將詩寫雨洗懸崖待頌摩

我若來探武夷勝風謠要聽袴襦歌

映門槐柳一行齊不比孫枝另隔蹊報國喜君持虎節
歸田笑我祝豚蹄京華夢斷紅雲遠海嶠陰多綠樹低
送別征軺增悵望冰廳人冷正拈題

憶生乞假南歸京華故人程叢園孫補山張吟薌
諸公俱寄聲存問兼聞蔣心餘中風病臥卽事

感賦

屏居誰問讀書燈只有生平幾舊朋科老將知祧廟主
官休已似退堂僧書來輦下人千里夢對窗前月半棧
自是名流憐臭味相思何日辦行滕

寄叢園

天涯落落幾晨星近狀猶聞手不停豪士貧來翻避債

才人老去漸窮經

君已著經學八十二卷

書城擁處燈宵續人海喧中

戶晝扃我亦一編將脫藥何時相質草元亭

生男何與他人事海內關心汝與袁

君與袁子才皆艱於子前歲子才已生男今君亦得子皆

快事也

名父今看俱有子嬌兒年尚小如孫滿堂湯餅多賓

屨一代詩文本將門雪白髯中開笑口抱他文度到黃

昏

寄補山

節鉞威名鎮百蠻株連猶荷

主恩寬暫停開府新支俸重補登科未歷官

巡撫滇南以他人被累蒙恩

降授編修君登第時以不得入詞館爲歎至是適請所願也

磨盾奇篇留徽外

曾從征細句

却金清節著

朝端雄才終任爲霖用已見卿班曳履珊

閱邸報知已
擢太常卿

寄吟薌

結契平生最清才我不如如何十年別不寄一行書視
草中書省看花下澤車我歸君始仕天遣兩人疎

久識名心淡多應歸計艱祇今俱白首何日共青山花

柳山塘路帆檣潯墅關年年乘興去訪戴只空還

舊與君
有買山

同住
之約

寄心餘

江湖十載穩漁簑重入詞垣髩已皤只擬老當當蔗美

誰知上有積薪多遷官階淺思烏府

杜陵詩十餘年及再入詞館
則資俸已在後輩之後乃保

送御史已蒙
上記名

過客門稀感雀羅天末相思那得見翻君舊稿

一吟哦

跋扈詞場萬敵摧如何乃築避風臺少貪酒色終償債
老訂詩文幸滿堆木有文章原是病石能言語果爲災
可憐我亦拘攣臂千里相望兩廢材

億生以其先高祖恭毅公中丞世德詩冊屬題敬
書二律於後詩冊是公門下士項溶集千字文
舊帖所製以頌公者

巧翻舊帖出新篇爲頌中丞世德綿宇宙大名公不朽

文章盛事客能傳丹青兩地中牢祭

公官浙及湖南
兩地民皆立祠

香火頻

年內帑錢

上南巡必
遣官致祭

此幅方知是公論非關說項感恩偏

百年門第映朝霞遺澤真看累葉賒父老尙因碑墮淚

子孫能保笏傳家青楊巷古常排戟紅藥階深又草麻
自公至緘齋皆聯什今映川又官中書舍人 一頌遂成操左券豈徒集錦麗詞華

玫瑰花卽事

庭前玫瑰樹枝枝結藥稠明當開爛熳照我蕭齋幽曉
起試往觀乃無一朵畱都被婢妾輩竊去插滿頭先生
大發怒將欲懲諸偷衆婢前致詞主人幸勿咻名花與
佳人皆散主人愁兩美合而一寧不娛清眸愛花而虐
入母乃理不侔先生無言對一笑且罷休

贈時月圃同年時下榻荒齋次章兼示兒姪

星文廿八盡羅胸宿學真如待叩鐘少日姓名慚附驥

余少血君及毛令吾有三才子之目

老來子姪幸登龍悟傳神解拈花示貧諒儒

餐脫粟供最喜蕭齋踪跡近塵談晨夕得相從
黑頭兄弟髣俱皤回數前塵一刹那碩果漸看同輩少
傳薪有待此翁多論文已出金針度續學終期鐵硯磨
得待扶風絳紗帳青燈何忍更蹉跎

贈莊茂良先生

自少推都講名家學有源已探諸藝苑猶限一黌門折
坂鹽車路干霄蟠木根扶搖終有日拭目看遊鵬
年久不更師齋規肅可知相畱七八載歷課兩三兒瀉
水書催熟開茅宇析疑所慚脩十脛難說享多儀

題湯蓉溪家慶圖

滿園梧竹映清芬四代同堂樂事紛富貴還鄉娛白首

神仙攜眷住青雲俗情漫擬千金子
淳行誰知萬石君
恭謹家風藹如觀畫圖便可作庭聞

屏跡

屏跡無塵事空庭綠滿苔
杜門閒客散攤卷古人來
茶淪大團月琴彈小忽雷
經旬少詩思或待牡丹開

蕭齋

蕭齋雨過淨無塵
睡起憑欄曉色新
分得綠陰牆外柳
一家樹作兩家春

驢嘲

凌嬌犢鼻踏黃塵
日向長途受屣綰
憐汝往來風雪裏
不曾馱着一詩人

太湖口守風

泊舟羅步港風勢正喧
厯白浪無人渡青山似馬來
野香花信報春色燒痕回
隱隱祥符寺遙聽粥鼓催

村居

門掩綠蘿陰團蕉晏坐深
新詩多杜撰舊帖有唐臨
不管飢腸吼惟知抱膝吟
家人竊相笑黃蘗下彈琴
最是恢台候幽居好景光
雨來先硯潤風過有花香
浸稻修秧馬看蔬縛草狼
園丁又來報新筍似人長

端午後一日入城適蔣南莊立庵昆仲邀客看競
渡拉余同舟卽事紀勝兼呈同會程六丈霖岩
莊學晦勉餘蜚英家緘齋

蒲觴纔剝端陽糴出門忽又食指動恰逢好友具行厨
拉我同逐龍舟鬪令節原須快舉卮况看八座皆素知
老夫始願不及此乞漿得酒事太奇龍舟容與無定處
消息傳來總難據戢篙暫候柳陰邊把盞臨流正延佇
忽然簫鼓上游來繡葆雲旗蹴浪開曬鱗日閃黃金甲
翠尾波翻白雪堆無數遊船露姿首逐隊也如戲珠走
鰲妾輕綃烟半籠龍女明珠月初剖一一掠我艦旁過
風送餘香時一嗅興來不免少年狂醉翁何必真愛酒
笑他道學老頭巾席上雖無意中有古人一樂傳千春
采石黃樓跡未湮吾儕文采縱不逮要亦勇退蕭閒身
落落林間七八个逢場作戲娛佳辰安知後來不慨慕

指作一輩神仙茲遊不可無詩記嘉譙况叨賢主誼
惜非杜甫漢陂篇能頌岑參好兄弟

附
同作

蔣熊昌

南風吹開五月榴綠楊深處多高樓樓頭珠簾盡高
捲美人臨水看龍舟龍舟縹緲在何處聞道東來忽
西去畫船歌舫織如梭相逢便問誰相遇忽聞金鼓
自天來翠葆雲旗望裏開倒影樓臺飛渡穩浮江鱗
鬣躍波迴艤舟亭下羣舟集人語嘈嘈管絃急窗紗
不掩黛眉妍浪花怕濺羅裙濕追歡且逐少年場揮
塵談諧喜欲狂紅粉可曾驚杜牧白頭渾未惱韋娘
諸公豪興殊未已賤子微疴霍然起

是日力疾臥
遊午後小愈

似此風

光一擲過亭上坡仙應笑矣我別江關十二年楊梅
盧橘夢魂牽只今蒲酒沾唇足絕勝他鄉斗十千菰
蘆風晚牙檣遠煙樹迷離月鉤偃寺門分棹各西東
家家水閣華燈轉

立庵又示咏物近作四首以文房之珍爲韻戲和
如其數

鳳簪筆

縛寫蘭亭始有軍拔材遂及小毛羣割疑鬬穴爲逃將

用逃將割鬬羣筆又
兩鳳羽穴見國策

雍許求官作令君

川鳳目求官事又
中書令稱令君

技或偶窮逢惡

紙點應最善竊佳文苦吟正撚微髭斷笑爾來叅翰墨

勲

蠶繭紙

麻頭魚網已奇方別製名箋搗繭房
恰稱客題黃絹字
免教人寫練裙行供書原博酬縑厚
下筆仍聽食葉忙
從此洛陽增價貴
百番出自錦心腸

雀臺硯

凌空銅雀去何之殘瓦猶留廢苑基
千古英風磨不盡
三分陳迹叩應知韻宜橫槩新詩寫
潤豈分香舊淚滋
也似青門爲庶後
尙餘文采繫人思

龍紋墨

墨君雅號記龍賓刻畫真形倍可珍
螺黛一丸嫌俗樣
虬松千尺本前身收囊香護蟠藏迹
入硯雲騰變化神

梁翰揮成飛舞勢之而相對作其鱗

時屈插秧河水將竭忽連日澍雨詩以誌喜

屏水方憂竭百川溝塍乃見倒流泉半空有勢自翻海
四野無聲綠滿田我罷微官尤望歲人言慈母不如天
早聞米價朝來賤一石冬春減百錢

卽事

塵機息後了無牽雲在潭心月在天佳景無過當境是
好詩多被古人先豈須枯寂功參佛或謂清閒福勝仙
世是唐虞人鮑謝何妨跌蕩送華顛

閉門寧厭寂寥居亂帙縱橫猶祭魚拙句點金成巧句
古書翻案出新書一燈紅燄花常吐兩袖烏痕墨未除

業就敢期傳不朽或同小說比虞初

方輶餘叢攷

咏史

食椒能幾粒八百斛猶貧枉署摸金尉先爲入草人但知烏攫肉豈悟象焚身何事狂奔者依然覆轍循

送客歸戲書

卽卻漁簑一整冠送人謁選上長安惹他僮僕私相笑旣愛山林又愛官

近作二卷立庵親爲評點勸并入梓戲荅

才名敢望杜韓齊多謝詞宗爲品題老訂詩文餘敝帚閒看今古似層梯吾斯未信心方愧君已相推價肯低虎帥以聽誰敢犯從今不怕後生詆

萬事俱爲過眼雲只餘殘藁未能焚老年不向人求序
後世誰知子定文漸愧毛錐三寸禿又增醬瓿一番熏
天涯詩友都星散歲晚情懷盡屬君

同年金蔣亭來守吾郡相見話舊

霄漢清班曳履珊才名早上 御屏端錦心文字條冰
貴鐵面威聲繡斧寒萬里橋邊揮檄草三天鄴下採陔
蘭東山十載身仍出自爲蒼生望謝安

君由翰林改御史金川
川兵時發蜀省以府道

用丁內艱歸以尊人吏部公
老終養不仕今服闋始補官

晨夕趨隨記昔游

余與君同
直軍機

何期晚列部民儔故人天上還

青眼老友旧間已白頭食少豬肝何忍累詩成燕寢偷
容酬待看比戶歌襦袴我亦均沾惠澤流

授衣

九月霜清木葉飛
例修敝褐禦寒威
笑他兒女隨年長
遞換兄衣作弟衣

雲巖相公奉使再過常州舟次趨謁敬賦

使節經臨許再攀
喜看丰采尙朱顏
千秋人在英雄傳
一等官高將相班
瓠子河新平濁浪
蓬婆軍久靖遙關
錄囚豈足煩公到
要飭官方立檢閑

公方避浙江
治菴直之獄

菰蒲何意復瞻韓
壽舫清談竟日歡
鉛槧著書人漸老
雲霄下士古猶難
春風怕上鞦韆架
晚景惟思苜蓿盤
廣廈舊聞公素志
定應棲我一枝安

時乞公薦
書院一席

第一孫生誌喜

冬月方驚桂藥新

院中桂樹冬
至前大作花

欣聞子舍報生申可能名應

無雙士且喜家添一輩人繡祿幸猶餘賜錦青箱端賴
有傳薪洗兒盆上添佳話虎子生年恰在寅

中歲纔經嫁娶期未遊五岳尋先絲家貧聊喜添丁富
孫早差償得子遲賀客競稱循吏報老妻自謂作婆時
笑他白髮程文海七十平頭始抱兒

程東園年近七
旬今歲始得子

十年

十年耕讀守江村漸喜家風布素敦聊以本來還面目
稍留不盡與兒孫種蔬僅習長鑱柄盛酒家傳老瓦盆
翻幸在官時日淺未將華廬染成根

謀生莫笑秀才酸蟋蟀山樞性所安兒女滿堂催我老

斗升開口告人難菜根味本宜儒服木屑材曾入將壇
待得瓶空思乞米修書未免兩眉攢

莊樂閒崔曼亭兩同年皆工詩莊夫人董蘭谷崔
夫人錢浣青亦皆工詩兩家又同居一宅閨閣
韻事近代罕有欽羨之餘奉贈八絕句

風雅真看聚一家藝林韻事出鉛華星娥月姊俱仙品
同坐雲端手散花

何處香闌鬪擘箋迎春橋北地幽偏依稀采藥天台路
劉阮雙棲一洞天

仙籍雙成翠水中莫嗤夫婿折腰工君看落紙名章出

誰不低頭拜下風

樂閒折腰鏡臺
韻事流傳人口

蓬頂家聲世所尊清芬不謝有闔門錢爲文決科倘學黃

崇儼也是人間女狀元

不出門庭唱和賒吟壇有此女通家疎梅標格幽蘭韻

都作闌前姊妹花

王郎天壤每含顰何許清才伉儷勾想見風流前輩似

鷗波亭上管夫人

旗鼓詞場各策勲郡城近日詩社最盛正愁應敵力難分如何惡少雕

青外又遇一班娘子軍

誰無中饋理鹽齏難得姿才對對齊讀到兩家名媛句

老夫歸去懣山妻

甌北集卷二十七終

甌北集卷二十八

癸卯甲辰

陽湖 趙翼 雲松

白鬚

無鬚與有鬚人生一界限鬚黑到鬚白又是一關鍵先
生從不把鏡照自覺心情向年少友朋諛我方精強妻
孥慰我未耄耄一朝偶對菱花看不謂竟作如此貌昔
從衆黑中見白今從衆白中見黑雖有數莖尙帶蒼恐
亦難堅後凋色欲學拔都染先愁塗抹作鬼臉欲效子
由拔擢髮難數不勝殺欲鑿孔更栽恐帶馬尾混上顚
欲囊帛遮醜又嫌牛胡掛在口不如且聽他留伴兩髯
華塵談助霏清玉屑牙慧增吐艷雪花掀來色映白題

舞然斷詩推白戰家既已白之謂白矣何必元之又元
耶羅幃縱嫌陸展面滅燭以後看不見團扇或畫放翁
狀可少幾縷銀絲颺清晨引鏡重自看姑妄言之作笑
端倘然出山作相去省服地黃蘆葢九

讀史

一刹那間便一生何須恩怨苦分明老來自笑猶閒氣
動爲前人抱不平

過城東小桃園

重過桃園跡已陳花塍依舊錯如鱗傷心紅雨亭邊路
只見桃花不見人

饒使伊公枉招賦贈

班聯清切出東華再到邗江駐使車五色雲邊新蕩節
二分月下古梅花舫齋有暇常題筆鈴閣無聲早放衙
點綴平山風景好待供宸賞進流霞

方預備
南巡

赴真州樂儀書院卽事

白髮蕭蕭已滿簪忽膺講席赴江潯出身我本村夫子
虛望人推舊翰林無復旌麾前隊色敢羅絲竹後堂音
老來踏遍人間路終覺青瑣味較深

鷺湖鹿洞古陶成此席人情已漸輕畧似老沾宮觀祿
稍貪名主坵壇盟一江相接家猶近孤館無喧地自清
只是惹他僮僕笑有官不做做先生

寓齋東偏古樹二株高六七丈風聲特甚

寓齋岑寂足清暇長日垂簾映綠莎不合庭前有高樹
秋聲常比別家多

地近黃天蕩急流城居如在白蘋洲夢回夜半驚江漲
十丈風濤屋上頭

仙掌路

真州地名相傳柳耆卿墓在焉故王阮亭真州詩有殘月曉風
仙掌路何人爲弔柳屯田之句然曾達臣獨醒志者卿死葬聚

陽縣之花山每歲清明詞人集其下爲
弔柳會則柳墓不在真州也或訛傳耳

一邱兩地各爭高只爲填詞絕世豪漢上有墳人弔柳
漳南多塚客疑曹金董名竟移沙渚鐵板聲休唱浪淘
我趁曉風殘月到縱無魂在亦蕭騷

大儀鎮

韓勣王敗金兵處當
時謂中興第一戰功

拐子軍來捲地空小麾鳴鼓獨橫攻地非南戒千重險

戰是中興第一功滅竈暗隨朝使後魏良臣使金過其軍張

旗雜出敵兵中南軍旗幟與金軍錯出當時不是鏖爭力半壁誰支

汴泗東

龜山

金海陵南侵駐師被害地

百萬靴堪踢倒城雄師曾此暫安營忽為帳下刀砧肉

不待山頭草木兵濺血定驚人豕立裹鹽那及帝羝行

可憐一幅吳山畫立馬高峰竟不成海陵曾畫立馬吳山第一峯圖吳山在杭城示欲取

宋也

訪真州館故址

元臣郝經奉使至宋欲定和議賈似道錮之真州館十六年乃得歸

龍蛇起陸殺機擧天意將殘億萬命誰何書生不解事

欲救蒼生與天競陽邏堡上兵南攻賈相披靡早避鋒

軍前密送通和議兵罷翻誇戰勝功一部福華編刻就
滿朝目眩廖一作北國未遑來責諾并教李瓊休南掠
先生拜表自請行欲定金繒靖邊畧平章隻手正遮天
深恐來時泄前約暗檄真州守土臣留賓高館嚴扃鑰
從此重垣似地牢烏頭馬角望徒勞雖殊雪窖抵羣牧
肯作函關雞唱逃紀歲猶仍中統號年深著述等身高
一雁當階如識意有書願爲憑空寄臣甫低頭拜杜鵑
尺牋血字將絲繫漢代曾傳雁足書昔是虛言今實事
經以帛書繫雁足故去有人射得於金明池元祖問之遣使詰案乃得歸雁飛北去兵南翔白髮羣臣返
故疆人間遂有兩蘇武後先青史遙相望苦心未救兵
戈慘完節終垂日月光我來訪古尋遺跡父老依稀指

破驛中有孤忠十六年地底猶應土花碧

真州歸途作

盡日無人古路斜空濛細雨落如沙一旗飄出青林外
知有前村賣酒家

秧針

誰散鋤鋒似嫩蕪纖柔不比劍裁蒲引他梅雨絲絲縷
繡出幽風幅幅圖翠刻出波真刺水綠芒承露亦穿珠
笑看野老如槌指自詫拈針賽小姑

家約

老去惟耽懶味長自頒家約戒厨娘何能爲汝齏鹽事
費我吟詩錦繡腸

太湖暮歸

暝色湖波淨，舟行似鏡中。
天連秋水碧，霞借夕陽紅。
鷺飽翎梳雪，牛歸尾掉風。
葦間聞鼓枻，晚唱起漁翁。

山塘

老入歡場感易增，烟花猶記昔游曾。
酒樓舊日紅粧女，已似禪家退院僧。

半塘橋北好陰涼，殘醉扶來蕩畫航。
臨水數家門半掩，更無人處有垂楊。

一夕新歡曉已陳，黃金散後更誰親。
定情羅帕還留着，多少人間抱柱人。

普惠祠基築短牆，五人墓木獨蒼蒼。
山塘滿路皆脂粉，

可少秋風狹骨香

雜感

酒樓依舊繡簾垂
曾寄閒情杜牧之
紅粉已爲山下土
白頭增感髩邊絲
銀缸明燭傳觴令
錦瑟哀絃卻扇詞
老去風懷已銷歇
也因陳迹一含悲

簑衣仙歌

蘇州元妙觀樓壁上有松江楊某畫一披簑者
甚洒落而不著其姓名按此乃南宋何立世所
稱簑衣仙也張光弼簑衣仙詩引云宋扣衙何
立秦太師差往東南第一峯勾幹恍惚人引至
陰司見秦對岳事令歸告夫人東窓事犯矣復

命後棄官學道蛻骨於蘓州元妙觀云宋史作
莎衣道人住平江天慶觀孝宗於宮中默有所
禱遣中使致贊而不言所以道人答詞輒與帝
意合史雖不言東窓事而其爲高孝時人可知
今元妙觀卽宋之天慶觀則楊生所畫正此故
事也爰題詩於其後俾覽者有所考焉

簑衣仙旣非冒雨叱烏犍又非釣雪寒江邊脫屣妻孥
住道院甃甃茸草披兩肩出身曾作權門吏遣往東南
幹公事途遇主人對簿來三木囊頭相擊臂囑傳口語
語夫人東窓事犯應難避歸來新火已在門乃知所遇
正其魂喟然太息輪廻理世間冥報非空言遂脫押衙

靴笏去簑衣一領冬夏溫噫嘻乎權奸當朝快誅戮那
顧阿鼻有地獄方謂陰司亦勢利生有餘威死餘福地
下橫財尙鑄爐情面閻羅不難熟所以當時格天閣垂
死猶傾數十族若無斯人親眼觀曷使世上奸膽寒盡
師數典有深意莫作江湖逸客看

周長庚舊於坊刻詩選中見余名以爲古人也今
邂逅山塘具述傾注之意答詩誌愧

姓名忝附選樓文四十年來句已陳敢說魏三今隱士
竟疑陽五古賢人錦囊幸免遭投厠紅袖知誰肯拂塵
所愧暮年何所就猶將研削耗精神

夜醒得句

露氣涵虛庭羅幃早涼到三更月大明滿園鵲盡噪

題吳梅村集

才高綺歲早登科俄及滄桑劫運過仕隱半生樗散跡
興亡一代黍離歌死運空羨淮王大名盛難逃惠子驟
猶勝絳雲樓下老老羞變怒罵人多

國亡時早養親還同是全生跡較閒幸未名登降表內

已甘身老著書間

著緩冠親畧
尋書將終老

訪才林下程文海作賦江

南庾子山剩有沈吟偷活句令人想見淚痕斑

為當年沉
吟不斷草

問偷活先生
臨歿時詞也

自西干村移居郡城顧塘橋卽事

江鄉久已剪蒿萊忽慕遷喬八郡來佚老堂叨良友庇

本入官屋時亭太守勸買

成陰樹感昔人栽

宅有山茶一株大合抱爲郡城之最

兒童乍到門

猶誤書卷纔裝篋再開恰與移居添故事村夫子竟住

樓臺

近市依然少市睍閒坊前後繞清流好聯北郭漸吟社

坡中程霖若蔣立菴輩詩社甚盛

恰近東坡舊寓樓

坡公晚年歿於顧塘橋孫氏宅距余舍僅十餘丈

未免

花時增酒費稍欣蒲節省船游

宅後爲白雲渡每歲午節龍舟畢集有水閣可坐觀

回思

馬磨居貧日矮屋三間慣打頭

過青山莊故址已犁爲田但有老樹四株而已

平泉花木綺羅叢臺圯池平一掃空今日惟餘四株樹

長身對立哭秋風

大雪戲作

若天高高地廓廓誰能力使兩相拍合成一个大冰壺
只有冬來雪花落雪花今日何其粗當空似被神鞭驅
凝寒所成固其理何以片片六出俱倘須一一雕鏤出
化工雖捷亦大愚初疑瓊屑糝徑厚旋訝玉蘂回枝枯
老梅亦復難自別香來始覺與衆殊同雲漠漠米家派
都將淡墨淡粉畫雲耶雪耶混一團莫辨覆盃仰盃卦
想見洪荒未闢時鷄卵中間涵沆瀣不煩七寶斧脩成
豈藉五色石補壞天公毋乃太作戲富貴驕人銀世界
老夫無物可鬪奇白鬚相映發光怪

萬壽重寧寺五十韻

樓閣彈指現華嚴本虛豈知化人垢真有憑空起揚

州天寧寺寺後一司杞翠華將來歡騰遍婦子輩
仗佛緣慈仰邀

天顏喜於茲創闢若頃刻幻紺紫廣殿俯城闕重簷接
象緯瓦筒黃流金瓴甌碧滑水丹楹千步廊白玉九層
凡綺疏明玻瓈藻井琢瑜珥香浮篤耨醞雲湧妙鬘鬘
寶氣所盤鬱半空蒸霞綺飛鳥避而過日炫不敢覩仙
靈亦俯驚偉麗孰初始其西爲僧寮緇流養千指持偈
結趺深掛單行脚止鐘魚轉經藏餅拂淨裴几其東功
德林結撰意匠詭壘土屹岡阜濬地闢沼沚陵谷出人
力造物亦聽使割峰靈鷲飛馴石湖菴徙連根移喬松
合抱植文梓一重一掩間房櫳透宛委複屋螺旋殼曲

徑龍掉尾平臺豁遠眸峻閣防顛趾長房縮地術維摩
量笏技不越尋丈內紆迴已數里入愁無路出引幸有
童侯前至梅花嶺森森萬玉葉歷級探其巔更恐屐折
齒洵哉構造雄顧猶大凡耳若以工巧論細入秋毫幾
一木一雕鏤一磚一磨砥翻樣百花新肖形萬象似自
非累歲月咄嗟豈辦此昔宋玉清宮計功須八祀晉公
三載成心計誇神駛胡爲茲傑構藏事半年襄捷比虹
成梁迅若蜚噓市傳聞庀工材不惜費倍蓰宵作萬枝
燭午膳千斛米始信錢刀力直可役神鬼祇涸金布地
妙諦正如是

至尊軫民艱豈尙土木倭黃屋詭何心卑宮禹同揆特

因望幸忱成功戒弗毀嘉名錫重寧義取繼前美

前爲天寧寺有

聖祖御題

香梵聳壯觀法會普蕃祉九霄慧燈懸十丈穹碑

紀傳之千萬年長峙靈光歸

和同年黃立亭明府秦淮感遇之作

君爲懷微介

一曲清歌伴酒卮秦淮三月落花時老逢佳麗猶癡興
貧作荒淫但艷詞別後青衫誰對濕信來紅豆有相思
傷心丁字簾前路瘦盡東風是柳絲

贈販書施漢英

我昔初歸有餘俸欲消永日借吟誦汝從何處聞信來
滿載古書壓船重我時有錢欲得書汝時有書欲得錢
一見那愁兩乖角乘我所急高價懸雖然宦橐爲汝罄

插架亦滿一萬編我今老懶罷書課囊中錢亦無幾箇
愧汝猶認收藏家捆載來時但空坐

偶筆

此老原非廊廟姿春風兩髯已如絲將閒補拙書還讀
因病成高祿早辭執扇家描放翁貌陸詩執扇家
家畫放翁弓衣人
繡宛陵詩壺中有酒瓶餘粟卽是先生志滿時

補山開府去歲在桂林寄詩存問今已移節粵東

次韻奉答

遠煩書札訪沉淪始覺官高誼倍親節鉞百蠻天外鎮
鬚眉千叟會中人來春入與
千叟會每聞按部冬歌袴曾共從軍

夜臥薪俸讀瑤函還自慰有人念我苦吟身

後先宦跡兩同年處處相尋遍瘴烟
公自尚修前輩禮
我偏不逮上官賢
滇徵用兵與公同在征南幕下公視學黔中余時兵貴西復得相聚及公撫粵西東亦余舊時作吏地而余已告歸不及作公屬吏矣
千秋著述談何易十載升沉分已懸
歷歷舊遊南徼路何當來謁戟門前

附原作

孫士毅

仕宦何當類隱淪文章針芥許誰親
客來北郭常攜

酒

謂令姪緘齋

夢醒東山冷笑人未必歸耕貽有穀

近聞黃文自給空

教後起積如薪

君懸軍後後輩得應仕者指不勝屈

鑾輿行慶兼求舊莫

被蕤鱸賺此身

來春在籍臣工例應迎駕君夙荷主知當隨入都也

金筑分襟又十年騰衝遺跡渺蒼烟
當時同作參軍

語此地猶傳太守賢

君曾任粵西鎮安府民至今誠思不忘

千里興關垂橐返

前年隨君北上
補官中途返棹

五更風緊哨帆懸

去臘今春余請急歸葬往返
皆五更過君里遂失良晤 祇

今更阻毘陵路目極河梁落照前

喜同年陸耳山廷尉過訪有贈

一代奎文較石渠由來典冊屬相如換官獨荷非常遇

覽古應無未見書

公總纂四庫全書由部曹
特改翰林府經歷卿寺

卿月迴依青玉案

使星頻擁畫輪車才人多少求傳世誰似先生綽有餘

長安詩社紀聯輿彈指俄驚廿載更身退我甘爲野老

位高公不改書生 九華秘殿看翔步四海騷壇有主

盟車笠相逢惟自愧聲名官職兩何成

南村

簾影春風一笑情重來門巷已全更回思四十年前事

獨立蒼茫似隔生

齒痛

嚼鐵生平礪齒齧無端對食輒含顰遇剛必吐柔方茹
累我翻成勢利人

自樂儀書院移主揚州安定講席呈在籍謝未堂
司寇秦西巖觀察張松坪吳涵齋兩編修皆詞
館前輩也

踪跡頻年寄樂儀邗江復忝廩虛糜地原董相傳經舊
學愧侯芭問字奇聞者或疑騎鶴背生來只慣擁烏皮
却嗤林下斯文席也似官階有量移

名都人物萃朝簪居里猶餘四翰林履道衣冠唐洛下

稷亭觴詠晉山陰地多耆舊應編傳社有詩篇互賞音
到此自慚年輩晚論科都比野夫深

附和詩

秦 贊

早向雲蓬拂羽儀不將好爵儘拘縻天南萬里經層
險甌北千篇蘊六奇講席久多房與杜吟情還似陸
同皮董帷開處都成市書局隨他那縣移

笑看素髮憶華簪日下追思到故林三度蓬壺懷往

跡

壬午癸未兩歲皆
與君同分校之後

兩城桃李謝新陰

薩判府伊璽憲先後聘余主
鍾山梅花兩席皆以病辭

憐吾衰也支離狀喜子跼然金玉音從此三冬文酒
約好憑寒月話更深

蔣春農同年別三十年相見邗上話舊有贈

聯步同趨朶殿東推尹詩筆最豪雄早收宦跡原奇士
老仗才名作寓公對柳青燈新夜雨翻階紅藥舊春風

紅藥當階甲戌與
君同四中書題

已經三十年相別莫怪俱成白髮翁

晤唐再可明府余昔從軍滇南君方擢騰越州也
忽見天南一故人隔江相望久馳神曾經共踏黃茅瘴
何幸俱留白社身旅館影孤欣舊雨戰場事往付前塵
喜君鬚髮還如漆高臥平山已十春

和詩

唐思

年來踪跡與君同歷盡關河逐轉蓬萬里相從征戰
後半生多在別離中何期此日登龍客共惜當時失
馬翁東閣官梅初放處好將文物坐春風

贈李齊生郡博

列宿加羣不可閑才鋒橫溢立談間
華鯨未叩聲千里全豹先窺采一斑
通籍早辭塵吏俗君成進士即就教職著書翻愛
冷官閒高齋朝日欄杆影可許披帷數往還

附和詩

李保泰

閭闔排風入九關仙班遙睇五雲間
朱幡擁出衣初繡綠野歸來鬢未斑
天許文章留著述堂羅絲竹佐清閒
却慚末學陪經幄空向壺中乞大還

謝金圃少宰視學過揚賦贈

手持玉尺領風騷兩度江南駐節旄
燕國文章關運出龍門聲望比官高
六經註脚尋源遠五夜文心校課勞

最是畫船行部處掄才纔暇又揮毫

田母張孺人貞節詩

六尺之孤百里命古大臣中尙難任如何髻髻女嬋媛
欲關千秋志節勁白髮姑嫜黃口兒婦兼爲子母兼師
寒閨風雨殘燈火織盡冰蠶獨繭絲廿載持門隻手赤
伯仁兄弟皆成立欲乞旌門報苦貞稍移年籍符成格
阿母聞之遽呼止節僞求榮吾素恥一分粧點十分虛
縱可欺生忍欺死令甲三十歲內守節者傳諸旌孺人寡已
過期諸子欲減數年以符例孺人不許嗚呼此
意世尤難寧謝朝恩守所安不見容齋隨筆記宦途
大抵減年官

西巖前輩招飲話舊再疊前韻奉贈

壯年重得見丰儀
淮海高踪不受縻
人遇故知逾有味
詩當老境轉無奇
江鮮入饌珍
鰓項野服當筵着
鹿皮還似京華文
酒譙談深不覺月痕移

酒闌重話未抽簪
感遇難忘舊禁林
鎖院幾回隨履迹
壬午發未丙戌皆與君同分校輶車兩路種棠陰
先後出都俱歷監司出無官謗招脣沸

歸有民思訪足音
都是太平儒吏樂
白頭交頌

國恩深

贈金棕亭國博

宿望多年企想殷
江湖往往誦高文
才翻蘓海泉千斛
老占揚州月二分
作客人尊名士座
去官身入散仙羣
浮踪此地欣相遇
撰杖從遊敢憚勤

附和詩

金兆燕

此事推袁已久殷白頭方得其論文真如示我知無限妙諦從君得少分
擿埴途中欣有導尋師花裏羨同羣一編手把過殘臘敢惜焚膏夜誦勤

松坪前輩枉和前詩再疊奉答

愛從前輩挹光儀脫略塵緣不受縻名在詞垣稱老宿

歌翻曲部擅新奇

家有梨園最擅名

何曾波匿更童面

別二十年君貌如舊

不

礙陶朱號子皮

贊甲子揚州

自爲邗江花月好久從關陝舉家

移

君泰人

通德門高擁笏簪一堂兄弟兩詞林

令兄秋正乙丑館選

我如乞食

來吳市君已忘機息漢陰樂奏十番真大饗

承演劇招飲

詩成

三嘆有遺音從今步履應頻叩晚節相知意較深

附和詩

張坦

曾共金門刷羽儀軟紅塵裏久相縻只緣投老兼冬
病不是耽幽便覺奇測海才難深見底觀河面已皴
生皮應知講席餘長晝肯許從容步履移

蕭蕭白髮不堪簪倦鳥依稀戀舊林踪跡同羈邇永
上鄉園遙指華山陰欣聯嘉會雲霄客豈廢衰年絲
竹音幾日瑤箋持贈處和章重疊見情深

蔣心餘曾掌教安定今病廢歸江西余來承乏臨
中堂扁楹帖皆君手蹟日與相對而不得一晤
深可恨也詩以寄之

邛驢相依兩散材晚途俱作老書獃君留鴻爪仍何往
我爲猪肝亦此來字有碧紗籠古壁草餘書帶映寒苔
可憐處處看遺跡不得同時一舉杯

病歸聞說泊江邊故舊來看共愴然口不一言常撮舌
身先半死但吟肩

聞去歲自京病風歸舟過揚州如此

贅疣於世原何用拳曲

全生亦可憐得復一燈相對否平山南望淚如泉

贈吳並山中翰

前曾掌教安定今主梅花書院

講堂處處字籠紗及接光儀髯未華佳選共翻新棗板

君選刻制藝盛行於時

高吟恰傍古梅花座前請業多登第

門牆最盛海

內論文幾作家畫一規條惟謹守還思問字附侯芭

附和詩

吳珏

早年簪筆侍明光
燕許雄文獨擅場
草檄曾通瑯瑁
路分符還蒞粵黔
疆江山麗景歸吟
卷松菊閒情戀
故鄉今日扶風經
帳啓彭宣會許與
升堂

題並山青崖放鹿圖

十年騎慣揚州鶴
花月春江殊不惡
豈知雅志深山中
要與麋鹿遊寂寞
雄文早歲賦鹿鳴
領髭連攜南宮名
便當八騶開路出
虎幡熊軾雙蜺旌
胡爲掉頭不肯顧
夢遊天姥同遙情
一幅丹青寫胸次
青崖叱馭瑤光精
青崖迴在峰六六
中有千年雪色鹿
不掛禁園放免牌
不隨官府行春轂
只供仙人乘騎用
斯奔足過蒼麟迹
君也馴之如擾龍
籬狗埒雞一例畜
解角齊池確磔聲

葦庭草芊緜綠有時放入碧雲去雲深不知在何谷
陽西下樹影斜呦呦仍來屋北宿自是君身有仙骨
與神物伴幽獨塵心已付覆蕉緣霞想應償踏花躅
亦遺榮慕丹邱欲游汗漫少朋儔竭來相遇平山下
臂不覺意氣投從此相隨戲盡嶠君騎白鹿我青牛

蕃釐觀懷古

一朶奇香換國家蕃釐觀裏出名葩遂勞下水風帆錦
此亦南朝玉樹花應笑閤梅空冷淡曾偕隄柳映天斜
至今根已無遺種化作傾城粉黛華

想見當年錦繡窠香車寶輦日來過二分月下清遊夕
四海遼東浪死歌遺跡已無瓊砌在香魂曾葬玉鈞多

道人不解興亡事猶買名花種綠莎

贈了凡禪師

杖錫飛來暫駐時華嚴彈指化城移法筵升座如官府
寶地開山作祖師龍氣蟠雲經藏閣虹光燭夜

御書碑笑他佛印真窮眼一帶誇爲作鎮資

新建萬壽寺甚鉅麗師

來主方丈

范瘦生枉訪並投佳什次韻奉答

自古才人謫乃仙嗟君幾困段操鞭

隋段文操嘗鞭楚學士見世史

詩文未

肯居人後憂患原從識字前插架書中生白蘭覆盆頭

上有青天祇今得免同文獄長戴朝恩雨露偏

君以遲繳祭書

得罪擬遺賴

恩旨得免

聲氣雖親跡自疎江湖飄泛兩萍如豈期何點開山館
正遇侯嬴隱市閭過我足音跬可喜笑君痴癖嗜難除
何當師友皆名士還向潛夫問著書

君師袁簡齋
友王西莊

附原作

范起鳳

公身原是玉堂仙上苑探花舊着鞭生面獨開千載
下大名羣仰廿年前詩傳後世無窮日吟到中華以
外天萬馬嘯空收筆底來聽歌吹竹西偏
綠埜歸來髯未疎風流誰說遜相如已留不朽名山
業大有堪娛谷口閭出處半生真磊落經綸一世小
乘除可憐飄泊東吳客還讀司空城旦書

吳涵齋前輩亦和儀簪二韻見贈再疊奉酬

蓬瀛初入好風儀林下徒將歲月糜映雪髭絲身漸老

翻瀾舌本氣猶奇玉堂仙路鴻留爪金谷豪門虎剥皮

君散館後即歸不仕家富於財今漸落 壓卷故應詩最後非關催索待文移君詩

至最後

明璫為珮玉為簪兩占蘓揚錦繡林蘓揚兩地君皆有宅潮滿邗溝

多水調月明茂苑有花陰閒情遠棹尋鷗侶往事虛弦

落雁音前歲浙案幾株累江北江南總佳麗羨君游賞到春深

附和詩

吳以鎮

風格翩翩振羽儀飽餐天祿豈虛糜壯年作賦三都

麗萬里籌邊五餌奇此日傳經開馬帳當時退食咏

羔皮筆耕本是吾儒事處士星中看影移

春明門外別羣簪
樗落歸來守故林
會合不殊鴻印雪
性情都戀鶴鳴陰
文章經濟非吾事
詩酒彈碁有賞音
一棹衝寒君欲去
梅花消息碧雲深

題瘦生詩卷

寥陽夜半呼捉賊
祕籥元機被人竊
六丁望氣何處尋
飯顙山頭光燄徹
其中端坐瘦書生
哦詩正作蒼蠅聲
忽然攝到上方去
天神一見笑且驚
是何寒酸此么麼
非仙非鬼非妖精
孱羸手無縛雞力
造句乃與千古爭
兩間靈慧要儲蓄
留待陸續新耳目
一朝若爲汝泄盡
後世那更有芳縉
速還夢篆使腸枯
亟拔生花教筆禿
東方暎暎雞三號
一跌直下蒼霄高
依然落在飯顙頂

風露冷逼霜顛毛

史閣部祠

遺像清高故相祠當年建閫已殘棋紛紜國事千絲亂
辛苦軍籌一木支箕尾歸天空有氣衣冠作塚并無屍
聖朝褒卹恩何厚碑板煌煌

御製詩

土橋

高臥對敗黃得功處

送客中途小駐營不虞鄰鎮掩輕兵中權尙有孤雛座
史可法時爲督師末造何堪兩虎爭單騎脫歸章屢上千金爲賄
賊難平粗材等是成何事荻港差高馬革名

聞袁子才游嶺南歸詩以寄問并約其明春來平

山堂

纔從鴈蕩攬烟蘿

前年若游雁蕩

又上羅浮百級栽南戒名山題

壁○

徧北歸好句倒囊多白頭賭健誇幽討紅粉隨行伴

醉歌

開携春往遊

享盡人間林下福他生恐罰着朝靴

江南江北劇相思聞說歸舟纔已維七十老翁何所事

二分明月久相期山前楊柳隋堤路袖裏梅花庾嶺詩

春水一航人兩個此情不減浙游時

記己亥同遊西湖事

論詩

滿眼生機轉化鈞天工人巧日爭新預支五百年新意

到了千年又覺陳

李杜詩篇萬口傳至今已覺不新鮮江山代有才人出

各領風騷數百年

隻眼須憑自主張
紛紛藝苑漫雌黃
矮人看戲何曾見
都是隨人說短長

詩解窮人我未空
想因詩尙不曾工
熊魚自笑貪心甚
旣要工詩又怕窮

瓜洲夜泊

歸舟月黑宿空灘
一穗明燈照影單
垂老江關悲庾信
殘冬風雪逼袁安
魚龍得氣潮將到
星斗無聲夜向闌
笑檢腰纏太豪富
滿囊詩句壓裝寒

記夢

水觀光中擲一磚
如何猶未了塵緣
紙窓雪屋嚴寒夜

重夢笙歌舊舞筵

梅花

殘臘春心世未知
籬邊忽綻兩三枝
單身立雪程門弟
素面朝天虢國姨
紙帳有香人定後
綈衣無影月歸時
忍寒本結孤高侶
多謝時流也贈詩

屢接秋帆開府手書兼寄珍裘賦謝

曳履雲霄已隔塵
郇羹偏荷寄書頻
尙餘范叔袍憐我
不作宣明面向人
廣廈更期分庇普
緇衣敢辱好賢真
五陵裘馬多同學
誰念江湖老病身

紅梅

品高初不逐繁華
何事新粧鬪絳霞
莫是也貪流俗賞

臨江集卷二十八終